



Broj: 07-2-173-9/18
Sarajevo, 12.09.2018. godine

Na osnovu člana 69. stav (2) tačka e) Zakona o javnim nabavkama („Sl. glasnik BiH“, broj 39/14), člana 8. stav (1) tačka f) Pravilnika o uspostavljanju i radu Komisije za nabavke („Sl. glasnik BiH“, broj 103/14), a na osnovu Preporuke Komisije broj: 07-2-173-8/18 od 10.09.2018. godine, u postupku javne nabavke radova izgradnje javne česme i javnog mokrog čvora na lokalitetu Ravne –Zaštićeni pejzaž „Trebević“ sa nabavkom, transportom i ugradnjom uređaja za prečišćavanje otpadnih voda, direktor Kantonalne javne ustanove za zaštićena prirodna područja je donio

ODLUKA

o poništenju postupka javne nabavke radova izgradnje javne česme i javnog mokrog čvora na lokalitetu Ravne –Zaštićeni pejzaž „Trebević“ sa nabavkom, transportom i ugradnjom uređaja za prečišćavanje otpadnih voda

Član 1.

Poništava se postupak javne nabavke **radova na izgradnji javne česme i javnog mokrog čvora na lokalitetu Ravne –Zaštićeni pejzaž „Trebević“ sa nabavkom, transportom i ugradnjom uređaja za prečišćavanje otpadnih voda** iz razloga što je cijena prihvatljive ponude znatno veća od osiguranih srdstava za predmetnu u skladu sa članom **69. stav (2) tačka e) Zakona o javnim nabavkama** („Sl. glasnik BiH“, broj 39/14),.

Član 2.

Za izvršenje ove odluke ovlašćuje se Služba za ekonomske, pravne i opće poslove Kantonalne javne ustanove za zaštićena prirodna područja.

Član 3.

Ova odluka objavit će se na web-stranici Javne ustanove www.zppks.ba istovremeno s dostavljanjem ove odluke ponuđaču.

Član 4.

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom direktora Javne ustanove o pokretanju postupka javne nabavke broj: 07-2-0173/18 od 14.08.2018 godine. Procijenjena vrijednost javne nabavke bez PDV-a je 80.000,00 KM.

Javna nabavka je pokrenuta putem otvorenog postupka. Obavijest o nabavci broj: 522-1-3-81-3-10/18 poslana je na Portal javnih nabavki dana 16.08.2018. godine, a sažetak Obavještenja je objavljen u „Službenom glasniku BiH“ broj 56/18, dana 17.08.2018. godine.

Komisija koja je imenovana Odlukom broj: 07-2-173-1/18 od 14.08.2018 godine, je pored sačinjavanja tenderske dokumentacije, izvršila javno otvaranje ponuda, analizu ponuda u formalno-pravnom i suštinskom smislu, sačinila zapisnik o ocjeni ponuda i dala preporuku o poništenju postupka u predmetnoj nabavci iz razloga što je cijena prihvatljive ponude znatno veća od osiguranih sredstava u Bužetu.


U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- tenderske dokumentacije je preuzelo pet ponuđača;
- ukupno je blagovremeno pristigla jedna ponuda,
- neblagovremeno zaprimljenih ponuda nije bilo.

U postupku ocjene provedenog postupka, direktor Javne ustanove nije našao nepravilnosti niti propuste u radu Komisije za javnu nabavku, koji bi eventualno bili osnov za neprihvatanje preporuke Komisije.

Nadalje, u postupku je utvrđeno da je Komisija u svemu pravilno postupila, te je preporuka o poništenju postupka javne nabavke data u skladu sa Zakonom o javnim nabavkama i podzakonskim aktima i odlučeno je kao u dispozitivu Odluke.

Pouka o pravnom lijeku: Protiv ove odluke može se izjaviti žalba, najkasnije u roku od 10 (deset) dana od dana prijema ove odluke. Žalba se izjavljuje ugovornom organu Kantonalnoj javnoj ustanovi za zaštićena prirodna područja u pisanoj formi direktno ili preporučenom poštanskom pošiljkom na adresu ul. Branilaca Sarajeva 28, 71 000 Sarajevo. Žalba se podnosi u dovoljnom broju primjeraka, a koji ne može biti manji od 3 (tri) primjerka.



DIREKTOR

mr. sci. Osman Delić

Dostaviti:

- 1) SELA d.o.o. Sarajevo
- 2) za objavu na web stranici Javne ustanove
- 3) u spis predmeta